

pariete egreditur 3. Reg. 4. v. 33.
 Non enim est credibile, quod vit
 gratis, & in omni scientia illumi-
 natus verba funderet de qualitati-
 bus, & gradibus imaginarijs, quos
 lingua metiri promittunt nostri
 Botanici, hæc inquam dici non pos-
 sunt absconsæ virtutes.

Hoc est, quod voluit Arnaldus
 de Villa noua licet ob alias causas
 eius opera correctione indigeant
*in aphor. ubi in promptu habentur
 simplicia*, inquit, *dolum esse, si
 quis compositis utatur.*

*Spiritualis plantarum represen-
 tatio. Cap. 20.*

EX dictis, & ostensis emergit
 fundamentum, quo procedere
 debeat plantarum spiritualis re-
 presentatio, de qua Quercetanus
 in libello contra Anonymum cap.
 23. se enim vidisse ait apud Medi-
 cum quendam Cracouiensem, qui
 adeo eleganter cineres cuiusvis
 plantæ apparare norat, earumque
 spiritus omnium facultatum au-
 tores exactissime conseruare, qua-
 rum supra triginta vasculis diuer-
 sis vitreis. hermetico sigillo obfi-
 gnatis habebat, ut si quis rogaret
 sibi rosam, aut calendulam de-

mon-

HIPPOCRATES. 163

monstrare, tunc cinerem illius cum
vasculo, cuius speciem esset editu-
rus, vasculo rose titulo insignito,
vasis fundum lucerna admouit, ut
aliquantulum in te pesceret, tunc
tenuissimus ac impalpabilis ille ci-
nis ex se apertam rose speciem
emittebat, quam sensim crescere,
vegetari, ac formam penitus to-
tius rose floridae umbram, ac figu-
ram exprimere videbat. Hæc au-
tem umbratilis figura, vase ab
igne remoto, rursus in suos cineres
relabebatur: Hoc arcanum sum-
mo studio perquisivi, nunquam ta-
men assequi potui. Hæc ille.

Hippocratico Philosopho hæc
plantarum spiritualis resuscitatio
non usque adeo difficilis videtur,
præsertim quando non violento,
sed molli igne procedit, naturam
imitando ut magister docet. Mo-
dum curiosis hic apponam, quem
tamen hæctenus experientia non-
dum confirmare potui, propter
huius loci incommoditatem.

Ostendi ex Hippocrate ad con-
tium ACIDVM, & ALCALI anti-
quissima naturæ principia om-
nibus sublunaribus inesse, hæc
cum artificis manu non destructa
iaceant, sed solius naturæ regimi-
ni subijciantur, tunc istud subie-
ctum

Vulgus cre-
mat per
ignem, Hip-
pocraticus
per aquam.

ctum crescit, & vegetatur, vt testatur abicctissimus silex, de quo suo loco dixi. Hoc ergo si crescit, & vegetatur, necesse est vt acidum, & alcali habeant quoddam, quod operationes ad suos fines dirigat.

Istud autem est quod Magister lib. de carnibus immortale pronunciat, & cuncta intelligere &c. & de diata animam vocat, suo (igni idest) acido spiritui inseparabiliter vsque ad sui annihilationem iunctam, imo spiritum esse vehiculum animæ, atque vinculum, cuius beneficio corpori coniungitur, & alligatur.

Illud immortale vel diuinum Hippocratis, Rectorem alibi vocauit, tu voca, vt lubet, modo rem percipiamus, nam de verbis nemini litem mouebo. Hos tres Hermes antiquissimus Philosophus vocauit corpus, spiritum, & animam, & hæc tria necesse est vt lateant vnita in terreno illo corpore, quod figuram feminis nobis representat.

Huius feminis ex. gr. papaueris flore pleni colligatur libra semis cælo sereno, quod temperato loco conseruari debet in futurum ver: tunc vesperi obseruanda cæli claritas, quæ promittit serenam

no.

*Naturam
in omni re
similem do
cuerunt.
Hermes, Py
thagoras &c.
posteaque
Hippocrat.*

HIPPOCRATES. 165

noctem, qua semen exponendum est larga vitrea eleuata crepidine tabula, ne decidere possit, & locanda in pratum, aut hortum variorum florum, & herbarum feracem (nisi enim terra fuerit fertilis, sterilem colliges rorem) mane ante solis ortum rore madidum semen curiosè de tabula vitrea demere, & in phiolam huic rei aptam osculo cera bene obsignato seruare debes, ne ros expiret, sed à semine combibatur, ros enim adeo leuis est à spiritibus (quos occulte acidos, & volatiles in cap. sequenti imo occultum vitæ cibum, vt Cosmopolitæ verbis vtar, ostendam) in aere imprægnatus, vt cum inclusus in oui testa fuerit, & appositus hastæ obliquè positæ, tunc ouî à Solis calore eleuatur ad summitatem hastæ, vt docet Hil. debrandus in Magia naturali.

Deinde rursus serena nocte tabulam cum seminibus exponere debes in dicto prato, vt rorem semina hauriant, quæ iterum ante solis ortum in phiolam dictam obsignabis, ne fugiat ros, sic semina paulatim à rore hausto turgere incipient, acidum, & alcali à rore, & superum influxu vires acquirere, rectore dirigente, sic expositio

& re-

*Vascula
fuerunt ait
Quereet.*

& repositio tamdiu repetantur, donec germinationis, & vitalitatis signa edant.

Interim dum hæc fiunt, oportet in eodem prato cum mundis ligneis supra lignis baculis expansis, rorem colligere, & in vase vitreo optime clauso custodire, qui, dum quiescit, deponit suas feces (à pulvisculo per aera volante) huius puri roris tantum superfunde seminibus, ut digitum transversum plus minus ferè superemineat, & sic colloca in balneum vaporosum. Raimundus enim in Testamento docet *cap. 24. illud quod facit Natura, So'is, & stellarum calore, hoc idem facit ars per calorem ignis, dum taliter temperatur, ut non superet virtutem motivam, & informativam, quæ est in materia influxa desuper.* Quare ignis admodum caute regendus, nam, inquit Turba: *si compositum, plusquam oportet, regatur, lumen eius à pelago desumptum extinguatur.*

Priusquam vero in balneum collocetur, claudè phiolæ osculum liquato cum sulphure, acidum & alcali, humido & calido, fota tunc inuicem agere incipiunt, liberabunturque à terreo seminis.

HIPPOCRATES. 167

corpore; quo includuntur, & die-
rum curriculo hæc naturalis com-
positio in summitate viridescet, si-
cut aquis stagnantibus per ambi-
entem æstatis calorem, & in
vmbra latentibus contingit: sub vi-
ridi ista pelle perficitur tunc vnio
facultatum, quas & volatiles, &
vnà cum rectore ab acido insepa-
rabiles (per se mori nescientes ait
Hipp de diæta) ostendi, quam v-
nionem confermentationem ap-
pellare licet.

Domicilium, seu seminis cor-
pus, mortua substantia erit, quæ
viriditatem, idest fermentationis
bullas cum liquore superfluo in
se, dierum cursu absorbet (vt vide-
mus in stagnis viride efflorescen-
tibus), vertiturque paulatim in
puluerem subtilissimum cineri
similem, postquam maturitatem
acquisiuit.

Hoc vasculum cum intepuerit,
vt vidit Quercetanus sine dubio
roris leuitas confermentata cum
rectore, & facultatibus seminum
eleuabit papaueris iconem.

Vasis osculum si vitro colliqua-
tum fuerit nunquam peritum iri
existimo: & si fortasse practica de
verbo ad verbum speculationem
non sequatur, ob id requiro soler-

tem,

tem, & ingeniosum experimentatorem. Haftenus vt dixi mihi periculum faciendi locus commodus Venetijs non est, neque erit, propter defectum foecundi, & purioris qui turbatur ab hal. nitro indefinenter hic spirante, vt muri omnium aedium testantur; ros enim ipse perpetuo hal. nitro commistus infectus recidit.

Huiusmodi spiritualis rerum regeneratio à Paracelso in naturali Hippocratica doctrina illuminato sub *Homunculi* generatione occultata fuit. Nam *spiritus rerum*, *sophorum Homunculus* est, ait Conrad. in *Amphit.* fol. 211. quem Senertus de *consens.* & *discens.* cap. 4. vt & alij medicinae satrapæ huius doctrinae ignari secundum literam intellexerunt, atque virum vt impium blasphemarunt, & in exilium procripserunt.

Addo, quod in vniuersa philosophantium schola etiam magno cum labore nihil reperiatur, quod mysterium resurrectionis clarius nobis ad oculum demonstrare possit, quam naturæ propria instrumenta ab Hippocratico à quilibet mundata, rursusque reconiuncta, reunita, & regenerata: si my.

*Hali nitru
fit ab exha
latione pu
trida uri
na, & va
rijs sibi co
mixtis.*

*Homuncu
lus. Para
celsi.*

HIPPOCRATES. 169

si mysterium per huiusmodi naturalia demonstrabile esset.

Dicta in summam contrahit.

Cap. 21.

Alcali & acidum volatile in vegetabilium familia per ignem concremantur in sal fixum, vel in plane alcalizatum. Modum quidem verbis magnificis promittit reformator in *Mantissa Hermetica fol. 788.* nullibi tamen reperibilem.

Interim vituperat salia, quorum cineres cū sulphure comburuntur, reprehenditque Hartmannum in *appendice fol. 101.* vt *pestimum scriptorem, nilque ineptius doceri,* inquit, *quam salia alcalia acidis miscere.* (quasi ipse non docuisset alcali viperinum cum acido spiritu salis miscere: vt etiam spiritum vitrioli cum sale absinthij alcalizato sub titulo *spiritus vitrioli coagulatus in mantissa fol. 788.* & rursus *fol. 100. in Appendice* summis laudibus iterum extollit huiusmodi mixta salia) & paulo post iterum admittit cineres cum sulphure calcinari. Inscius sub incertitudine domina, quid eligendum?

H

Scien-